


漢名臣傳

十八下



內閣文庫			
函	冊	號	類
三八	一六〇	二三〇五	漢書
架			

內閣文庫	
冊	二

內閣文庫	
番號	漢 2305
冊數	160 (132)
函號	290 43



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



非藏

特旨授順天府府尹八年二月充會試副考官

官三月疏請選拔八旗生員入監肄業學成

量補助教等官從之六月授工部左侍郎仍

兼府尹祭酒事九年充

經筵講官十年三月調刑部尋署吏部侍郎

十月充順天武鄉試正考官十一月引

見期滿教習奏對失實

諭曰孫嘉淦於雍正元年尚係檢討朕看其

人似屬樸寔屢加遷擢數年間官至侍郎望

孫嘉淦

卷八

漢名目傳 卷一
其殫竭誠心爲國家宣猷効力乃伊偏執自用從前屢有陳奏皆迂濶瑣碎不可見之施行朕訓其開拓識見至近日則緘默不言矣伊爲祭酒乃瞻顧私情將親弟孫揚淦荐爲監丞行事乖張士論不服以致孫嘉淦聲名大損國子監教習自應分別用舍以示激勸卽稱職人員之中有可膺牧民之寄者亦有可勝司鐸之任者是在祭酒秉公陳奏始免冒濫名器用違其材之弊今于引見教習時

遽稱宋鎬一班六人俱屬可用及朕詢問忽稱方從仁寔不堪用任意反覆顯係欺罔應加重懲以爲人臣詐妄負恩者戒著革職拿交刑部究議具奏尋議照挾詐欺公律擬斬得

旨孫嘉淦免其治罪在戶部銀庫効力行走十二年署河東鹽政十三年七月疏言鹽池之西有硝池一其西又有小池六皆產鹽附近居民或私澆私晒或以硝版和官鹽致味

漢名臣傳卷十八
苦澁引張壅滯急宜設法嚴禁而鹽官皆駐
運城距遠稽察難周查硝池小池皆在解州
境該州州判職務甚簡請專司巡緝再鹽池
岸係澆晒之場弓兵斗級皆在池北其南岸
地方遼濶奸匪竊盜此爲淵藪且迂迴百有
餘里私鹽最易透漏請設馬快八名令運城
巡檢督緝又疏言殺虎口監督於邊關收鹽
稅從未知會鹽政無案可稽請將收稅數目
則例一併知會查覈至口外蒙古鹽原不禁

邊民買食但進口宜立規條行銷宜有界限
應請

勅山陝督撫詳查沿邊州縣應食蒙古鹽處
會同鹽政酌定毋令侵越其載鹽進口定稽
查收稅例遵行又言每年鹽政養廉萬三千
兩應減爲八千兩運司一萬兩減爲六千兩
皆足敷用以下無庸議減又言鹽池設弓兵
二百五十三每名月給銀五錢食用不足請
月增銀五錢皆下部議行八月

漢名臣傳 卷十六
今上御極

命來京以侍郎用九月補吏部右侍郎十一月晉都察院左都御史仍兼吏部侍郎事乾隆元年四月

命同左都御史福敏查廢員案五月嘉淦奏福敏偏執又經年不至署

諭曰孫嘉淦與福敏係同堂辦事之大臣參商如此若不從重議處無以警戒將來著總理事務王大臣查奏尋議嘉淦瀆奏失大臣

體應降一級福敏遲緩拘執應降三級均准抵免調七月充江南鄉試正考官十一月遷刑部尚書二年三月兼管國子監事是月並條奏太學事宜一六堂肄業人員每堂定額內課三十外課二十擇品端文優年壯學勤者充補一諸生于時藝外令各明一經治一事做宋胡瑗立經義治事齋例俾為有用之學一肄業期滿拔貢生有經明事治才品卓絕或才未裕而學識醇正者分別等第帶領

引
見一等卽用知縣二等卽用教職部議肄業
期滿拔貢生分發卽用未免過優應以知縣
教職分別選用餘如所請七月充律例館總
裁九月充順天鄉試正考官十二月充
經筵講官三年四月遷吏部尙書仍兼刑部
時有偽造嘉澍奏稿者傳播流言
諭曰一月以來京師喧傳尙書孫嘉澍密奏
在朝多人如太學士鄂爾泰張廷玉徐本尙

書公訥親尙書海望領侍衛內大臣常明皆
在所恭之內諸臣皆朝廷簡用之人守法奉
公衷心盡職而鄂爾泰張廷玉尤係
皇考特簡之大學士爲國家棟梁以孫嘉澍
較之識見才猷豈能與二人比朕特以操守
廉潔向有端方之名故屢加擢用非以其才
識在二人上也如其才識果在二人之上朕
何難卽用爲大學士而仍在尙書之列乎且
朝廷政務正賴宣猷佐理豈有將諸人悉行

罷斥專用孫嘉淦之理至諸臣有可叅之事
孫嘉淦何不登之露章而乃見之密奏既云
奏則惟孫嘉淦自知之伊又豈肯洩漏于
人以招眾怨是或媿嫉孫嘉淦之人造爲此
說以排擠之耶或趨附孫嘉淦之人造此以
揚其特立孤行之直名耶但傳言已久姑不
深究其令步軍統領巡城御史嚴禁之八月
光順天鄉試正考官九月直隸總河朱藻誤
工貪劣爲總督李衛所劾

命偕尙書公調和從鞫得寔革職論罪如律
十月署直隸總督尋

命寔授疏言永定河南北兩岸現議建關開
引河查北岸之張客關不必石工但建草埧
分洩水緩不致衝刷水漲不虞洶湧南岸之
金門關已築石工但上下宜多建草埧使南
洩之水常多水小仍歸引河水大聽其漫流
將各草埧朽壞舊河悉改而南卽以淤高之
河身障北趨之路天然隄岸堅寔可恃下部

議行十一月疏奏刁民王宰謀吞生員馬承
宗五賄太監劉金玉等投獻貝勒允祐門下
請交刑部究審允祐交宗人府察議

諭曰孫嘉淦履任伊始卽能秉公執法據寔
糾參甚屬可嘉著交部議敘尋

命兼管直隸河工先是順德府民焦普爲奸
徒郭允樞以邪教誣陷至是嘉淦審明奏釋
治允樞罪四年正月疏言前奏金門關上下
築建草垣使河漸復故道但建垣必開引河

誠恐汎水大出不無旁決今于金門關下增
設草垣一其引河不必復挑卽歸金門關引
河中蓋此卽永定河故道由中亭玉帶以達
津歸海臣循舊跡開濬其新建草垣四分過
水便引河之中時有水流可因勢利導一二
年後村庄城垣保護完固然後多開草垣使
水大出則故道可全復得

旨果能如是誠爲善舉但今尙不可必其如
此且試爲之二月疏言熱河喀喇河屯化育

溝歲需兵米二萬四千餘石倉儲不敷查承
德州四旗通判向經採買備賑除已運外現
存米九千餘石隣近州縣倉庫充裕無須領
運請此項留撥兵米仍于採買案內報銷至
口外莊頭歲歉交米不能如數請撥司庫銀
發入溝同知四旗通判豫買一年兵米運貯
熱河倉三月疏言直隸向設旗莊官專管旗
戶一年任滿寔心化導者議敘如旗人犯不
法等事照地方官失察民人例議處嗣經裁

併理事廳轄該丞倅兼管旗民所轄又較旗
庄原數過多議敘久停議處尙仍舊例請嗣
後失察之丞倅如與州縣同城一例處分否
則照該管知府例議處俱議行時

上以直隸河工緊要

命偕總河顧琮悉心辦理嘉淦疏言天津地
方南北運河與淀河交會西沾而入于海河
臣觀南運河水甚濁與永定河相似一入海
河水皆濁流經久必淤墊况通省之水會于

一線之海河秋潦時至勢必宣洩不及大學士鄂爾泰前曾奏准于靜海縣濁流地方開引河寔下游治水之關鍵但開河易達海難設中途梗阻則漫溢爲患且海口開深又恐潮水倒灌臣等現委員勘通省水道凡衆河交會及入淀入海之路有急宜修濬者卽于今夏興修

報聞又言直隸旗園地畝旗人止收地租民人村庄在園內者自居祖遺屋租種旗地兩不相涉如民人有佔旗地蓋屋及旗人將民人祖遺之產罔行告許圖取租者俱照違制律治罪下部議行五月晉太子太保五年九月疏言直隸經流之大者永定子牙南運北運四河與東西兩淀臣議于永定河葉淀之東疏引由西沾北入海濬子牙河之新河使上游諸水歸淀開舊河東堤漸引由西沾南入海北運河兩岸去沙裁直深濬減河培補堤岸南運河兩岸再築遙堤濬河身以行正

漢名目傳卷一
溜安陵鎮建閘一濬減河三十餘里入老河
口以達于海此四河之大畧也西淀則開白
溝河故道以入中亭九橋南另疏一河並濬
清門河別派分流下游已暢達再將金門閘
之西引河改由東道于苑家口疊道建木橋
五使漚水通行至東淀應將上游三岔河淤
淺處濬令寬深楊家河卞家河窪等處多疏
淀河數道使並行而東會西沽則四河順軌
兩淀暢洩各州縣之水可消從之尋奏永

河改歸故道各工俱竣

上嘉之時江南總督高斌進京取道直隸
命會同嘉淦等議河務善後事宜十月合疏
言永定河應于固安城南霸州城北之間順
流東下由津水窪接連東淀直達西沽入海
則上游漲水自消霸州城北築護城圍城保
定縣城西千里長堤自新莊迤北至城東路
曠村堤根逼溜應加寬厚其路曠以東至艾
頭村接連營田圍埝約五十餘里議築越堤

漢名目傳卷十八
作重障又疏言永定河改歸故道一切修防
裁省所有石堤引河及築堤放淤可分責各
道員其直隸河道總督缺請裁俱議行十二
月疏言大名府屬東明長垣等處與山東河
南交錯奸匪易藏舊設河捕通判兼管堤工
且駐府城鞭長莫及請將河務歸同知管理
通判移駐東明專司捕務從之六年正月
諭曰昨聞永定河放水經理未善以致固安
良鄉涿州雄縣霸州村庄地畝被淹難以耕

種居民遷移不無困乏孫嘉淦不能辭其責
也尋經大學士鄂爾泰查勘請暫塞金門關
上游放水口嘉淦奏旋開旋築寔與放水本
意相左將來泥沙壅入玉帶恐爲患更大
諭曰此奏固是但大學士等亦係慎重欲籌
萬全之意卿不必固執已見總之此事卿所
任甚力而料理未善朕亦不能爲卿諱也然
朕總以卿爲是者以卿不似顧琮爲游移巧
詐之計耳

上于丁亥年巡幸天津閱河
御製中亭河紀事詩曰中亭入玉帶玉帶卽
清河中亭洩渾漲壑窄難容多蕩漾沙遠留
至此爲澄波受小不受大此理信不磨嘉淦
督直時謬聽人言訛謂渾河故道卽此寔非
他建議放乎此干村嘆淪澗知誤乃改爲民
已嗟蹉跎不十不變法語誠不我訛經過得
親見悔過成新哦是年八月調嘉淦湖廣總
督七年五月疏言治苗之法于各寨中立

人爲寨長一崗中取頭人信服者爲崗長使
約束而統于縣令城步苗崗五設立副長十
綏寧苗崗四設正副長八每名歲給工食銀
十二兩有過則易置之自可令行禁止又疏
言城步綏寧兩縣止有九崗設協似覺過重
應改設遊擊一駐長安守備二左營駐城步
老寨右營駐綏寧鎮夔哨歸靖州協轄理糧
同知亦駐長安以資巡緝綏寧臨口司水路
上通靖州運糧較便再令綏寧營守備移駐

防護九月疏言湖南永綏協之花園汛向無
文員專管請將龍團巡檢移駐理詞訟守倉
查奸永綏右營守備帶兵百名會同防查均
議如所請十月

諭日前孫嘉淦奏荆襄堤工必須親往相度
方爲有益今聞行至安陸即便回省朕思近
日襄陽府城有匿名逆示若孫嘉淦前往料
理固屬不可今因查勘堤工適有此事何以
半途而返總督舉動關係觀瞻孫嘉淦畏蕙

至此豈不有玷封疆八年正月

命來京候旨二月署福建巡撫事未赴湖南
巡撫許容疏叅糧道謝濟世在縱各款嘉淦
奉

旨審辦革濟世職會御史胡定以許容挾私
誣陷奏四月

命侍郎阿里衮往會鞫先是濟世訪拿衡陽
縣知縣李澎家人書役浮收漕米經長沙府
知府張琳柳責申詳署糧道倉德批結而許

洪名目傳卷十六
容泰濟世歟內稱浮收事屬風影至是布政使張璨復飭改原詳及批倉德因摠札通揭部科事

聞

諭曰都察院奏倉德通揭上司抑勒換詳一事曾申詳總督孫嘉淦孫嘉淦批令婉曲善處且云審時不問此歟等語孫嘉淦身為總督又承旨審辦此案接到倉德揭帖時即應奏聞審理乃故寢其事而審案內並無一語

及倉德所揭情由扶同許容甚為徇庇俟此案結後交部嚴察議處尋

諭曰謝濟世一案許容冤誣鍛鍊孫嘉淦賒徇扶同不准會審今聞楚省營伍廢弛致盜賊肆行無畏水師哨船無人駕用致有船多于兵之謠是孫嘉淦許容惟事虛文並無寔際因而文武效尤上下頽廢其罪已不可問矣孫嘉淦許容着來京候旨九月阿里衮鞫寔具奏謝濟世原叅革職照例開復止失察

衙役犯贓十兩以上降一級留任許容奏事
不寔張璨扶同換詳革職論罪有差孫嘉淦
照匿職例革職

命修順義縣城工贖罪九年工竣授宗人府
府丞十年遷左副都御史十二年以老乞休
允之十四年

特召來京入直

尚書房十五年正月授兵部右侍郎八月
工部尚書署翰林院掌院學士十一月

上以嘉淦內廷行走勤慎龜勉

特命照現在品級給其子孝愉廕生分部額
外行走十六年三月充會試正考官六月敕
習庶吉士七月

諭曰孫嘉淦以所著詩經補註間日進覽於
輿觀羣怨之旨頗有發明朕亦時折其中從
此薈萃成書足備葩經一解着傳恒來保孫
嘉淦充正總裁若需用纂修人員令孫嘉淦
舉所素知一二人奏聞充補則幾務之暇可

資佩文以次成書可詔來學十月充會典館
正總裁十七年晉吏部尙書協辦大學士十
八年正月獲僞造嘉淦奏稿之犯江西衛千
總盧曾生守備劉時達解京鞠寔治罪如律
八月充順天鄉試正考官十二月卒遺疏入
諭曰協辦大學士吏部尙書孫嘉淦老成端
謹學問深醇宣力有年勤勞懋著前因患病
卽遣太醫調治並命皇子前往看視尙冀遠
痊今聞溘逝深爲軫悼著派散秩大臣一員

侍衛十員往奠祭酒並賞庫銀一千兩辦理
喪務尋

賜祭葬如例諡文定子孝愉官至直隸按察
使

葉存仁列傳

葉存仁湖北江夏人雍正六年以捐納州同
發江西河工効力十二年補江蘓銅山縣知
縣乾隆元年遷邳睢河務同知十年遷淮揚
道十一年葦蕩營叅將韓烈揭報存仁糜帑

玩工經署漕運總督劉統勳等審虛視烈職
十二年遷安徽按察使十三年調浙江十四
年疏請

勅各省督撫恪遵

世宗憲皇帝諭旨凡旗人外任文員六十歲
以下熟習騎射副將等官不許坐轎如違令
同城文官稟奏下部議行十六年二月遷浙
江布政使十九年二月

命刑部尚書劉統勳查南河道庫錢糧奏勅

歷任道員侵欺解存仁任六月總督塔爾吉
善疏奏存仁名下止應追銀七十兩零已全
繳

諭曰劉統勳查叅歷任河庫道侵欺錢糧原
未逐員分晰聲明存仁應賠之款甚少失察
咎不至禡職著來京引見尋授河南布政使
二十年因浙江任失察庫書包攬侵欺經巡
撫周人驥叅奏降補河南按察使二十二年
六月授廣西布政使二十五年二月疏言廣

西鼓鑄歲需白鉛三十三萬餘觔幹崗廠現
存者數五年昂上年又增盧崗一廠歲收甚
多商售不及工本拮据查廣東河南亦歲需
白鉛令赴廣西局買運脚費不多鉛可流通
部議如所請行二十七年擢刑部左侍郎兼
署禮部並副都御史事二十八年正月授河
南巡撫時直隸總督方觀承奏修漳河水利
存仁奉
旨會勘尋議於沙莊迎溜挑引河三百丈入

正河於舊埧上二百十八丈順流攔築土埧
又奏沙莊下游淤處開七百餘丈工竣即併
力築埧增護城堤以資捍衛疏入

報聞四月

命偕侍郎阿永阿審湖北歸州盜案五月疏
奏盜犯張洪儼等即從前犯案縱脫之盜因
臬司沈作明偏執枉縱將知州趙泰交題叅
事主發遣遂成冤獄及後案發沈作明回護
率制承審各員迎合不辦請將沈作明等革

審總督愛必達不飭改正巡撫宋邦綏到甫
半載非任內事亦意存消彌均難辭咎尋又
查明前任巡撫周琬湯聘扶同狗庇無意昭
雪先後奏

聞鞫寔奉

旨卽將盜犯正法臬司沈作明斬決餘各治
罪如律十一月授存仁河東河道總督十二
月山東巡撫崔應階奏請挑濬荆山橋河
命協辦大學士公兆惠同存仁等相度二十

九年正月合疏奏稱荆山橋上承南陽昭陽
微山諸河之水由王母山彭家河入運二十
二年挑竣後土積沙停應再疏治以王母山
為正河其南潘家河為副河分流入運上游
來水足資宣洩其彭家河地勢仰屢挑屢淤
毋庸再議興修至小梁山三處支河俟湖濱
涸出續挑並將湖口閘滾水石埧開寬二十
丈為有益從之三月疏下河廳向祇額設淺
夫每衛河水漲簽樁下埽伎藝生疎前河臣

張師載奏於運捕加三廳撥兵四十專駐協
守但不能携眷餉銀難資兩處養贍查近來
淺夫已多練習請嗣後運捕加三廳兵糧出
時仍將發駐下河兵撤補所遺下河兵缺卽
以淺夫拔補不數年悉隸爲兵發駐者可全
回原汛得
旨如所議行六月存仁卒

謝珉列傳

謝珉江南武進人康熙三十八年出監生選

授陝西安塞縣知縣嗣遷貴州普安州知州
五十四年卓異遷刑部員外郎五十七年轉
戶部郎中雍正元年二月授江西贛州府知
府六月遷湖南督糧道三年遷湖南按察使
丁父憂六年服闋署湖南布政使七年七月
擢太常寺卿仍署布政使時田文鏡爲河東
總督奏稱珉寔心任事

諭曰謝珉乃聰明人但嫌其欠篤寔耳以卿
爲其上官而又現被朕恩眷最隆伊思之

優劣藏否定於卿之一言因此而暫勉一寔
字與卿看則離卿獨任時必不能堅持初志
毫無改移當不時勗誠以成全之閏七月
命署江西巡撫十一月疏言前任撫臣張坦
麟請以塩規及潯贛二關平餘銀為各官養
廉州縣官於加一耗羨內扣留查各州縣糧
額不一耗羨隨之今令照糧坐扣多者至千
八百金少者至四百餘未免懸絕應分大中
小三等糧多地衝者為大縣給養廉千二百

糧多地僻及糧少地衝者為中縣養廉千糧
少地僻者為小縣養廉八百道府各員酌照
增減佐雜等官每員六十於司庫公費內支
給疏入

上嘉納之十二月疏言九江府界江南湖北
廣西最易藏奸請以駐饒州之饒九南道移
九江專司稽查從之八年六月遷大理寺卿
仍署巡撫事疏言進賢永寧永豐定南各縣
倉廩不敷積貯請正額錢糧增建如所請行

十一月

諭日向觀謝珉為人聰明見事明白但恐不肯寔心供事祇圖自潔其身今見伊署理巡撫以來所奏陳辦理之事俱屬妥協着寔授江西巡撫九年二月疏言江西十三府向各有道員兼轄嗣經裁併祇留督糧驛鹽贛南饒九南四缺其無本管道員者八府守令無所稽查請以南昌建昌撫州三府歸督糧道袁州瑞州臨江三府歸驛鹽道廣信府歸饒

九南道吉安府歸贛南道各令就近兼轄換給關防以專責成又言江西棚民前奉恩旨入籍二十年以上有田糧盧墓者准應試年來讀書者愈眾年例符者亦多應准一體應試文武童生滿五十人額外取一名以次遞加率不過四名若人滿五十令與本籍童生同考俱下部議行三月疏言吉安廣信二府屬皆有永豐縣文移易混請以一另改嘉名部議改廣信之永豐縣曰廣豐先是珉

以江西地濕米難久貯奏言截留積貯漕米
十萬石已糶者照一米二穀買補還倉如價
有餘一併買穀未糶者亦易穀分貯各府州
縣至是請於臨江廣西南安撫州等府增建
倉廩下部議行十一年二月疏言江西銅少
從前收買銅器鼓鑄已完請暫停從之三月
疏言江浙米價騰貴商販絡繹至江南米價
日增貧民艱食請以常平倉穀并易漕穀石
無拘糶三之例令各屬糶賣十之四五統於

秋成買補得

旨因時制宜酌量爲之六月大庾南康峽江
清江等縣水災氓支贛開義倉穀賑濟並委
員發銀接賑疏入得

旨加意撫恤不可有名無寔十二月授工部
右侍郎十二年九月接任巡撫常安以吏治
廢弛官糧逋欠營伍曠廢竊賊衆多疏劾珉
諭曰謝珉本一司官之職朕思其有辦事諳
練之名不次擢用簡授江西巡撫乃伊到任

以來一切辦理及奏請事件瞻徇模稜虛偽不寔是以降旨內用侍郎再加試看今據常安奏稱伊在江西任內種種玩愒之狀不可枚舉著革職嚴審定擬具奏十三年法司會鞫得寔依律擬斬又以常安續劾珉侵開稅賚緣餽送及先侵後吐等款堅不承認請將珉解交總督趙宏恩質審後解部監候從之
乾隆元年
恩釋回籍十六年卒

周學健列傳

周學健江西新建人雍正元年進士改庶吉士三年授編修充一統志纂修七年丁父憂十三年五月充四川鄉試副考官九月提督福建學政乾隆元年遷侍講二年遷右庶子四年正月充三禮館纂修三月遷侍講學士六月轉侍讀學士五年二月充日講起居注官六月遷少詹寺十二月遷內閣大學士充三禮館副總裁六年二月署刑

漢名臣傳卷十八
部侍郎充明史綱目副總裁三月補刑部右
侍郎仍兼署刑部侍郎事七月

命往山東查辦御史瑪昇叅私票鹽價一案
尋奏東省私收票價寔無其事卽票商亦無
立窩價名色惟是票鹽地方充革無定遂啓
攘奪之端現在南湖淄川票地係濟東道張
体仁子姪冒充居官牟利不可不戒又查奏
給事中馬宏琦劾兗州府知府沈斯原挾嫌
誣揭濰縣知縣李鱣論盜並向屬員借銀有

據俱下部論罪如律時行聖公孔廣榮奏典
阜令孔毓琚營私枉法學健遵

旨鞠問尋鞠寔毓琚多收稅銀及扣禁卒民
壯工食二款擬杖徒從之十月調刑部右侍
郎十二月陳奏捕治瓜賊各條一賊所居本
籍該地方官獲一名者議敘其夥党有曾同
行竊案並跟隨學習尙未同行者必逐名搜
捕分別辦理究處拿獲將本地方官議處隣
佑地保治罪一窩家必盡究無使漏網承問

漢名臣傳卷十八
官草率結案照盜案刪去窩家例議處一瓜
賊均係謀財害命較隨行夥盜並未傷人者
情罪已重無論曾否下手加工但係知情同
行皆立決一塘兵自日入至二更自五更至
天明上下汛輪番傳旗沿途巡查遇行客護
送前行如停臥即責革汛弁并奈一凡道路
無主屍身係瓜賊謀害者文武官俱照盜案
勒限緝拏或避重就輕混以是警非盜立案
者照諱盜例議處仍於發覺時通行嚴捕無

使疎脫下部議行七年三月

命往上下江會同督撫查辦災賑水利事務
三月合疏言銅市有石林黃村二口黃水衝
刷灌淹民田應堅築土垣砌石帮護沛縣縷
水堤決口應自華山起至斜堤止堵築堅寔
再於金陵鎮迤下尾閘疏濬深通碭山縣小
神湖上流有堤河一受河南虞城潑水由朱
家窪歸湖又大溝一由紀家窪歸湖湖尾全
藉馬家溝宣洩俱急宜修濬邳州沂水河堤

卷十八
衝決六處應補築山陽西民田瀆白馬湖
應築堤捍禦建涵洞阜寧敦墜湖南通射陽
湖爲洩水要道宜去積淤以上六州縣工程
應先興舉至海州薔薇河洩沐陽上游山水
及青伊湖積潦年久淤塞散漫爲害河尾舊
閘頽廢不能啓閉均應濬修下部議行四月
疏言鳳潁泗三屬賑後又借給兩月口糧固
可寬一時之急但積歉之區元氣未復秋成
徵完難免追呼請將所借改爲加賑免徵從

之八月上下江復被災

命偕直隸總督高斌往同督撫辦理尋合疏
言向來樂善好施人等定有議叙之例祇就
本有職銜量予叙用並加級紀錄等欸今請
倣其例量爲擴充准各省急公人員出資備
賑原有職銜者酌與卽用議叙無職銜者量
出貲多寡京職自中行評博以下外職自同
知以下分別議叙予以卽用俾得邀榮仕宦
自必踴躍捐輸而窮黎均沾惠澤于賑恤大

漢名臣傳卷十六
有裨益下部議行八年四月署福建巡撫十
二月疏言閩省督撫將軍標兵每各會標一
次需賞銀一千兩又駐防八旗兵每冬演放
火炮需彩紅銀八十兩向于耗羨存公項內
支給後總督郝玉麟以耗羨應支養廉入不
敷出將此項裁減操演爲
國家鉅典海疆要務查現有寺租歸公銀懇
撥給應用得
旨允行九年署浙閩總督十一年加太子少

保十二年正月疏言採買臺郡餘粟民運便
於官運凡商民由內地赴臺買穀者呈明彰
泉地方官取結赴廈門同知領照由臺運穀
赴廈門者呈明臺郡地方官取結赴臺防同
知給照出口進口均行盤驗聽赴漳泉府屬
公平糶賣其地民食可倍寬裕從之九月授
江南河道總督十三年閏七月緣事獲罪
命往直隸城工効力贖罪八月江西巡撫開
泰奏於學健原籍查出兗沂曹道吳同仁賄

漢名臣傳卷十六
三
囑學健薦舉書扎鞠實擬斬奉
旨賜自盡

趙殿最列傳

趙殿最浙江仁和人康熙四十二年進士由
內閣中書游授禮部主事員外郎五十七年
遷刑部郎中六十年授刑科給事中雍正元
年七月

欽派巡查吉林二年十月差滿回京四年擢
湖南按察使五年八月

詔來京以對品京堂用六年

遣往打箭爐外噶達地方監造達賴喇嘛廟
八年七月補少詹事八月擢內閣學士兼禮
部侍郎先是御史吳濤奉

命偕給事中馬維翰等清丈四川地畝巡撫
憲德與濤分勘川東不問地畝多寡按戶勒
增并令加倍首投民怨沸騰具疏題叅部議
革濤職至是濤疏辯

命殿最會鞫得實濤擬杖徒如律九年四月

授工部侍郎六月奉

命往山東辦理賑務十一年十二月調戶部

右侍郎十二年正月充

經筵講官乾隆元年轉侍郎二年六月

上以御史馬起元條奏山東直隸兩省運道

尚書來保復請勘河南衛水情形

命殿最同侍衛安寧會同各督撫逐一履勘

事竣後便道閱看通州河道一帶妥協料

七月殿最等至河南輝縣疏言衛河發源

門山百泉經新鄉縣汲縣淇縣滑縣湯
陰內黃及直隸之大名元城至山東館陶入
臨清州名曰漕衛交會計長九百二十三里
經流雖遠其間漕農交賴者祇三處一曰百
泉即衛河發源正派一曰洹河為衛河迤北
支源一曰小丹河為衛河迤西支源自雍正
四年內閣學士何國宗副總河嵇曾筠等於
此三處建關定立官渠民渠濟運灌田至今
稱便毋庸再更惟查漕船入運例有一定尺

海峽目傳卷十六
寸宜量水勢盈縮以定啓板之高下請於館
陶臨清各立一水則於漕船將抵臨清時驗
看運河水勢將百泉等處渠關隨時啟閉庶
蓄洩得宜於漕運民田均有裨益
詔下部議尋以總漕補熙奏停立水則餘如
殿最所請先是殿最

陛辭

上面諭留心地方民事至是奏豫省便民四
條一河工料物向例每勛定價一厘河員自

行採買雍正五年十二月兩次減爲七毫歸
州縣官代辦遂按地畝勻攤民情苦累請
敕部量增一豫省錢糧有田一畝而輸二畝
三畝之糧者有田三畝而輸一畝二畝之糧
者名曰折中行糧法或係富戶田多自相模
糊或係買賣收除暗行增減總由未定賦役
全書易滋弊竇請釐定上中下科則另造清
冊並前總督王士俊開墾案內未盡豁除者
亦秉公確查准民自首刊定全書永爲遵守

一倉穀推陳易新原爲接濟貧民查豫省州縣惟按富戶強行派借責令買補乃至貧民則多方刁難不肯給與種種情弊請令該撫嚴行叅處一河北三府衆眼甚多或蒙翳荆榛或掩藏沙礫請照總河白鍾山奏准之例廳汎各員有能開泉若干者題請議敘土人指報者量行賞給疏下總理事務王大臣議行其採買河工物料定價九毫八月殿最等由濟寧至臨清查勘山東運河疏奏利漕便

民六條一運河東岸蜀山馬踏馬場獨山四湖西岸微山一湖爲瀦水濟運要區除獨山微山地勢高阜向無圍堤無庸議築外其蜀山馬踏馬場從前修築圍堤年久殘缺且有原未修築處請悉行補築仍酌建涵洞石閘於坡水灌注之時開放入湖不惟有益漕運且免淹民田一泉水距湖遠近不等必由泉河始達於湖其達蜀山馬踏者曰滙河汶河達馬場獨山者曰泗河府河明臣常居敬疏

漢名目傳 卷十一
曰河廣沙深屈曲之流不足以潤久渴之物必擇其積沙淤漫者濬爲河泓深五尺濶一尺則水得所歸而趨壑亦易請於每年水落時令該管官挑濬淤淺使泉河深通以資灌輸一挑河定其每年一小挑間年一大挑均於十月十五日築堤至次年二月初一日開堤相沿日久竟有遲至十一月二十日以後築堤者堤一日不閉則河水多洩一日請定於十一月初一日築堤其開堤日期則以濬

船頂臺莊閘爲準如遲築早開卽將該管官查叅一查東省運河與他省不同南旺分水口北高於臨清九十尺南高於臺莊一百十六尺高下相懸恃有石閘四十八座重重收束得以權衡節宣如糧船到閘下閘未閉上閘已開則建甌直下一瀉無餘請令治河員弁當春夏惜水如金之時務遵漕規啟閉不得兩閘齊開過洩水勢一汶河自戴村堤堤下分水口以上有邱家口地方舊建滾水石

漢名目傳 卷十八
五
堤外支河二道前河臣朱藻於二支河口
門築二土牆重重堵塞不使汶水捐滴旁洩
但查此處河形上寬下窄春夏水勢浩瀚無
路宣洩未免盈溢民田請於土堤內建涵洞
一座視水大小啟閉以免淹溢一東昌府屬
武城縣城在運河之南其東北一隅迎溜頂
衝城根日漸坍塌雍正四年何國宗議於北
岸開挑引河朱藻慮水分勢緩且中有河埂
一經刷平兩河合一水愈汪洋恐阻漕運另

議做南岸修建磚工以護城垣查該處地左
流沙秋汎汕刷上實不虛磚工業已蟄陷斷
難經久若止議挑引河又不免如朱藻所慮
請於北岸另開運河一段竟將舊河築堤斷
流庶城垣可免衝刷九月由天津至通州疏
言臣等自運河溯流而上詳勘沿途河道查
通州之通惠河源出塞外一自古北口入一
自石塘路入會密雲縣之南至天津直沽合
漳衛諸水入海水勢散漫河底率多流沙朝

濬夕淤東遷西改自有漕運以來並無挑落
深通一勞永逸之計惟於糧船到時坐糧廳
飭各汛官弁多募人夫隨淤隨刮使剝船通
行不致阻滯伏思河道綿長工程煩雜滿漢
座糧官二員公務填委勢難兼顧請於外河
添設通判一駐張家灣專司疏濬歸坐糧廳
管轄并設把總二外委四聽通判調遣再裏
河向設閘官二但司啟閉不能兼顧堤岸請
於通州設吏目一大興設主簿一遇有修濬

等事報明糧廳核寔辦理其添設各官酌給
廉俸二疏均下部議行殿最以經過地方知
府以下出境迎送餽遺禮物甚至公服長跪
過于屈褻奏請

敕部嚴禁

允之閏九月疏下請推崇孟母封號以光祀
典下九卿議行十月調吏部右侍郎三年十
月授工部尙書四年因本部司員承辦
太廟慶成燈冒銷工價殿最等不據寔核減

旨詢又奏不以寔部議銷去加三級仍降一級調用

諭曰近來工部諸事廢弛趙殿最任事以來一切毫不盡心有負朕簡用之恩著照部議降調尋以失察主事永福詐索民人財物再降二級是年告病回籍九年卒

楊汝穀列傳

楊汝穀江南懷寧人康熙三十九年進士授浙江浦江縣知縣四十八年行取

特恩以主事用五十二年補禮部主事累遷本部郎中五十三年遷四川道監察御史巡視東城五十七年五月河南南陽鎮標兵因地方官查拏賭博挾忿入府署擁知府沈淵至教場守之三日汝穀聞其事劾總兵高成縱兵毆官上是之

命刑部尙書張廷樞內閣學士高其卓往按得寔寘首犯於法總兵以下論如律閏八月

汝毅疏言康熙三十八年知縣行取特恩以六部主事用每主事四缺補行取三人捐納一人五十四年行取

特恩投額外主事遇缺即補惟五十一年行取之員與捐員間補至今未補尚十餘人恐行取日多壅滯益甚請照四十八年五十四年之例酌量疏通又五城司坊官巡盜安民責任匪輕請照外省計典俸滿三年清廉材幹者五城御史呈明都察院核荐有干八法

者亦照例處分庶微員知所勸懲又外任官親老戀缺臨選輒以出繼為辭偶掣遠缺托名治喪回家希圖另掣請嗣後赴選文結敘明三代履歷如已選後假稱過繼托名治喪以不孝論出結官議處俱下部議行五十八年擢太常寺少卿提督四譯館六十年調奉天府府丞六十一年轉右通政雍正元年正月奉

命祭少昊金天氏等陵七月擢通政使九月

遷左副都御史克癸卯科文武

殿試讀卷官二年四月陞兵部右侍郎四年
疏言直隸去年被水州縣存倉民穀盡數發
賑畿輔積貯宜預請運東關米十萬石至天
津截留南漕米十萬石存河間保定適中地
分貯部議從之五年二月奉

命往濟口致祭河神三月轉左侍郎十二月
兼管吏部侍郎事七年八月克順天鄉試副
考官十月

賜汝穀子綬爲舉人九年四月奏言舊例俸
深人員俱雙月擢陞其知縣陞缺在京則主
事中行評博在外則同知知州通判先儘京
陞缺用是以俸陞者擢陞部寺淺者每得佐
府州牧雖均屬應陞而繁簡各異嗣後不論
京外缺將論俸應陞之人一體代爲掣補下
部議行六月兼署副都御史十一年二月克
會試副考官三月疏言鄉會試頭場有初十
夜宿場之例時刻太寬恐倩人代作請嗣後

宿場舉子除習五經者篇數繁多仍照原號
其專習一經者令監試提調官傳於至公堂
謄寫並令背誦以別真偽再硃卷彌封後例
用不全字號印卷面如天大水木等字缺筆
難辦易淆請嗣後紅號仍用全字庶官易稽
查下部議行十二年奏言向例軍功紀錄一
次與加一級俱作尋常一級抵降未爲平允
請嗣後軍功紀錄二次抵降一級軍功加一
級抵降二級其抵俸以軍功紀錄一次抵罰

俸一年從之十三年八月

皇上御極奉

命祭告南嶽乾隆元年四月奏言奉使齋

詔書旗仗例用馬兵捧導每站更換惟湖廣
自武昌至岳州計九站岳州至長沙六站始
得更換路長役疲請於兩郡每臺增馬兵一
名沿途更直營馬不至傷損部議從之又言
河南榮澤縣地臨黃河康熙三十六年河勢
南侵地畝漸次坍塌雖有新漲灘地抵補但

新地大半沙多土少並有隨漲隨塌者花戶
年賠懸糧力不能支棄而遠徙徵比徒勞官
民俱累請

諭令清查量予豁免

上命河南巡撫富德確查覆奏到部議如
所請豁坍地額銀千三百餘兩先是汝穀奏
直省驛馬倒斃俱定分數惟陝西甘肅山西
三省向有茶馬領補不須帑項迨康熙四十
五年停止茶馬無可領補亦未給馬價沿今


為例臣思驛馬應一例開報管驛官方免賠
累但此三省俱產馬之區不便照各省例請
定以二分補銷所需銀卽用該省驛站裁存
之項俾有司不得藉口悞差至是議行六月
調戶部右侍郎十一月擢左都御史三年六
月以老病求罷准以原官致仕並
諭在本省藩庫給俸以養餘年五年正月卒
遺疏入

諭曰楊汝穀敬慎老成宣力年久今聞溘逝

漢名臣傳卷十八

三

深為軫惻應得卹典該部察例俱奏尋
賜祭葬如例諡勤恪



漢名臣傳卷十八終



天保三

上

